

...эри наркоман

14:37 / 26.04.2016 4363

Бир дугонам намозхон аёл. 2 фарзанди бор, лекин эри наркоман. «Бундай эр билан яшаш шарт эмас» десам, «Динимизда эрга хурматли бўлиш керак, унинг изнидан чиқиш мумкин эмас»,- дейди. Шу каби эрларнинг изнидан чиқмаслик динимизнинг буйруғими? Ва дугонам қандай йўл тутиши мақсадга мувофиқ бўлади?

Албатта икки фарзандли мўмина муслима аёлнинг эри бундай ҳолатга тушиб қолиши катта мусибат, Аллоҳ таоло бу оилани ана шу мусибатдан ўзи қутқарсин. Мазкур буюк бир дардга, катта бир нуқсонга дучор бўлган эркакнинг Аллоҳ таоло шу дарддан ҳалос қилсин, бу нарсадан юз ўгириб, соғайиб яхши бир ҳолатга чиқишларини насиб этсин. Энди эр мана шу ҳолатга тушиб қолганда аёлнинг ҳолати қандай бўлишини биз билмаймиз. Эҳтимол шу аёл эрларидан ҳабар олмаган маънода ёки баъзи-бир қаттиқроқ чора кўрмаганлар маъносида эрининг шу ҳолга келишларида хиссалари ҳам бўлиши мумкин, яъни нуқсонга йўл қўйганликлари эътиборидан. Энди мана шу ҳолатга тушибди, ана шу инсон ҳозир ўзи агар тузалмоқчи, тўғри йўлга тушиб кетиш нияти бўлса аёл албатта ёрдам бериши, ана шу тўғри йўлга тушиб ўзини ўнглаб олиши учун қўлидан келагн ҳаракатини қилиши яхши бўлади. Аммо эр бундай ҳолатни хохламаса, ҳозирги ҳолидан ҳам баттар бўлиб бораверса, ўзини ҳам оиласини ҳам ўйламайдиган бўлса, фарзандларини ҳам ўйламайдиган бўлса унда аёлнинг ўзининг хоши ўзи билан бўлади. Ўзининг демак тушунчасига қараб, шароитидан келиб чиқиб тасарруф қилса ҳаққи бўлади.